

bojosći naložili. Twoja wulka dobrota wjedź nas k pokuće, posylń nas w lubosći k tebi a w dowěrjenju na twoju móc a hnadu.

Daj wšitkim, kotrychž sy žohnował, přecelne wutroby, wot twojich kubłow khudym dobrotu činić a wudželeć, přetož tajke wopory so tebi derje spodobaju. Zwarnuj nas dale po twojej hnadze a daj, zo bychmy twoje dary w měrje wužiwali. Daj nam přeco wšědny khlěb a njedaj nam tež na tym pobrachować, štož naše duše trjebaja. Twoje słowo a sakramentaj chcyl nam prawe a čiste zdžeržeć a nas z tajkimi wosebnymi darami syćić a napować k wěčnemu žiwjenju.

Tebi, Božo, budź poručeny naš cyły drohi wótcny kraj. Žohnuj našeho krala a spožč jemu swětło a móc twojeho swjateho Ducha, zo by na swoim ludu prawje knježik. Rukuj z hnadu nad nim a nad jeho cyłym domom, krónuj khěžora a khěžorstwo z twojim žohnowanjom. Daj sebi našej krajnej cyrkwi a tym, kiž ju wodža a jej słuža, poručenym być. Džerž twoju ruku nad našej wosadu a nade wšitkimi jej-